

oj: 36/99, 54/04, 39/06 i 14/09) i člana 106. Poslovnika Skupštine Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 10/08), Skupština Bosansko-podrinjskog kantona Goražde, na 18. redovnoj sjednici, održanoj 22. Januara 2013. godine, **d o n o s i:**

Z A K O N
O IZMJENAMA I DOPUNAMA
ZAKONA O SOCIJALNOJ ZAŠTITI,
ZAŠTITI CIVILNIH ŽRTAVA RATA
I ZAŠTITI PORODICE SA DJECOM

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Bosansko-podrinjskog kantona Goražde” broj: 10/00, 5/03, 5/05 i 3/08) u članu 4. u stavu 1. iza tačke 9), tačka se zamjenjuje zarezom i dodaje se nova tačka 10) koja glasi:

„10) lica koja su žrtve porodičnog nasilja i nasilja u zajednici.”

Član 2.

Iza člana 4. dodaje se novi član 4.a, koji glasi:

„Član 4.a

Dijete bez roditeljskog staranja, u smislu člana 4. stav 1. tačka 1) ovog Zakona, je dijete bez oba roditelja, nepoznatih roditelja, napušteno od roditelja, roditelja kojima je oduzeto roditeljsko staranje i roditelja spriječenih da vrše roditeljsku dužnost.

Odgojno zanemareno dijete, u smislu člana 4. stav 1. tačka 2) ovog Zak-

ona, je dijete koje zbog nedovoljnog nadzora i brige roditelja, te negativnog uticaja sredine, narušava općeprihvaćene norme ponašanja.

Odgojno zapušteno dijete, u smislu člana 4. stav 1. tačka 3) ovog Zakona, je dijete koje svojim ponašanjem narušava općeprihvaćene norme i vrši prekršaje ili krivična djela.

Dijete, čiji je razvoj ometen porodičnim prilikama, u smislu člana 4. stav 1. tačka 4) ovog Zakona, je dijete čiji roditelji zbog nesređenih porodičnih odnosa, materijalnih i drugih razloga nisu u mogućnosti da mu osiguraju normalne uvjete za pravilan odgoj, fizički i psihički razvoj.

Lica sa invaliditetom i lica ometena u fizičkom ili psihičkom razvoju, u smislu člana 4. stav 1. tačka 5) ovog Zakona, su djeca i odrasla lica koja su: slijepa i slabovidna, gluha i nagluha, sa poremećajima u govoru i glasu, sa tjelesnim oštećenjima i trajnim smetnjama u fizičkom razvoju, sa smetnjama u psihičkom razvoju (lahkog, umjerenog, težeg i teškog stepena), sa kombinovanim smetnjama (višestruko ometena u razvoju).

Materijalno neosigurano i za rad nesposobno lice, u smislu člana 4. stav 1. tačka 6) ovog Zakona, smatra se odraslo lice koje nema prijeko potrebnih sredstava za izdržavanje, nesposobno je za rad i ne može osigurati sredstva za život po nekom drugom osnovu.

Starim licem bez porodičnog staranja, u smislu člana 4. stav 1. tačka 7) ovog Zakona, smatra se lice starije od 65 godina (muškarac), odnosno 60 godina (žena), koje nema članove porodice ni srodnike koji su po zakonu obavezni da ga izdržavaju, ili ako ih ima da ta lica nisu u mogućnosti da izvršavaju obavezu izdržavanja.

Lice sa društveno negativnim ponašanjem, u smislu člana 4. stav 1. tačka 8) ovog Zakona, je lice koje se odaje besposličarenju, skitnji, prosjačenju, prostituciji, alkoholizmu i drugim oblicima društveno negativnog ponašanja, a registrovano je kao lice sa društveno negativnim ponašanjem i kao takvo uključeno u tretman socijalne rehabilitacije.

Lice, odnosno porodica u stanju socijalne potrebe, kojima je usljed posebnih okolnosti potreban odgovarajući oblik socijalne zaštite u smislu člana 4. stav 1. tačka 9) ovog Zakona, smatra se lice, odnosno porodica koja se nađe u stanju socijalne potrebe zbog pretrpljene prisilne migracije, repatrijacije, elementarne nepogode, smrti jednog ili više članova porodice, povratka sa liječenja, otpuštanja sa izdržavanja kazne zatvora ili izvršavanja odgojne mjere.

Žrtva porodičnog nasilja i nasilja u zajednici, u smislu člana 4. stav 1. tačka 10. ovog Zakona, je lice kome je nanesena fizička, psihička i seksualna patnja ili emocionalna šteta, kao i prijetnja takvim djelima ili propuštanje činjenja dužne pažnje, nebriga i nerješavanje osnovnih potreba, što ga ozbiljno sputava da uživa u svojim pravima i slobodama."

Član 3.

U članu 5. u stavu 1. iza tačke 6) tačka se zamjenjuje zarezom i dodaje se nova tačka 7) koja glasi:

"7) privremeni smještaj i zbrinjavanje u sigurnoj kući ili prihvatilištu."

Član 4.

Član 8. se mijenja i glasi:

„Član 8.

Osnov za utvrđivanje novčanih i

drugih materijalnih davanja po osnovu socijalne zaštite i zaštite porodice sa djecom, u skladu sa ovim Zakonom, je prosječna neto plaća u Kantonu ostvarena u prethodnoj kalendarskoj godini (u daljem tekstu: prosječna plaća u Kantonu) pomnožena sa odgovarajućim koeficijentom.

Visinu koeficijenta za obračun koja služi kao osnov za utvrđivanje novčanih i drugih materijalnih davanja po ovom Zakonu, utvrđuje Vlada Kantona svojom odlukom.

Na osnovu odluke iz stava 2. Ovog člana, kantonalni ministar za socialnu politiku, zdravstvo, raseljena lica i izbjeglice izdaje naredbu o visini mjesečnih novčanih iznosa za sve korisnike prava po ovom Zakonu."

Član 5.

U članu 14. stav 4. se mijenja i glasi:

„Kod utvrđivanja prihoda domaćinstva, u smislu stava 1. ovog člana, ne uzimaju se u obzir prihodi ostvareni na ime novčane naknade, odnosno invalidnine za tjelesno oštećenje, novčane naknade za pomoć i njegu od strane drugog lica, dodatka na djecu, nagrade, otpremnine, alimentacije, stipendije i jednokratne pomoći."

Iza stava 4. dodaje se novi stav 5. koji glasi:

„Izuzetno, u prihod domaćinstva uzet će se u obzir i invalidnina za tjelesno oštećenje za lica u postupku priznavanja prava na smještaj u ustanovu socijalne zaštite."

Član 6.

U članu 16. riječi „60" zamjenjuju se riječima: „65".

Iza stava 1. dodaju se novi stavovi 2. i 3. koji glase:

„Postupci za ostvarivanje prava koji nisu završeni do dana stupanja na snagu ovog Zakona okončat će se prema odredbama ovog Zakona.

Korisnici koji su ostvarili pravo do dana stupanja na snagu ovog Zakona podliježu reviziji.”

Član 7.

U članu 112. stav 1. iza riječi „ostvaruje se,” dodaje se zarez i riječi „u trajanju od šest mjeseci”.

Iza stava 2. dodaju se novi stavovi 3, 4. i 5. koji glase:

„Pomoć iz prethodnog stava isplaćuje se u periodu od 6 mjeseci od dana rođenja djeteta do navršanih 6 mjeseci života djeteta i pod uvjetima utvrđenim ovim Zakonom.

U postupku ostvarivanja prava na pomoć u prehrani djeteta do 6 mjeseci i dodatnoj ishrani za majke dojilje, stranka podnosi zahtjev u roku od 60 dana od dana rođenja djeteta.

Ukoliko stranka podnese zahtjev po isteku ovog roka, pravo joj teče od prvog dana u mjesecu u kojem je zahtjev podnesen i traje dok postoje uvjeti za sticanje i korištenje tog prava.”

Član 8.

Ovaj Zakon stupa na snagu narednog dana od dana objavljivanja u “Službenim novinama Bosansko-podrinjskog kantona Goražde”.

Broj:01-02-71/13 PREDSJEDAVAJUĆI
22.01.2013.godine SKUPŠTINE
G o r a ž d e Suad Došlo,s.r.

125

Na osnovu člana 33.a Ustava Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 8/98, 10/00 i 5/03), **d o n o s i m:**

U K A Z O PROGLAŠENJU ZAKONA O IZMJENAMA I DOPUNAMA ZAKONA O UPOTREBI GRBA I ZASTAVE BOSANSKO- PODRINJSKOG KANTONA GORAŽDE

Proglašava se Zakon o izmjenama i dopunama Zakona o upotrebi grba i zastave Bosansko-podrinjskog kantona Goražde, koji je donijela Skupština Bosansko-podrinjskog kantona Goražde na 18. redovnoj sjednici, održanoj 22. Januara 2013. godine.

Broj:02-02-41/13
22.01.2013.godine
G o r a ž d e

P R E M I J E R
Emir Frašto,s.r.

126

Na osnovu poglavlja IV. odjeljak A. člana 23. tačka b) Ustava Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 8/98, 10/00 i 5/03) i člana 106. Poslovnika Skupštine Bosansko-podrinjskog kantona Goražde (“Službene novine Bosansko-podrinjskog kantona Goražde”, broj: 10/08), Skupština Bosansko-podrinjskog kantona Goražde, na 18. redovnoj sjednici, održanoj 22. januara 2013. godine, **d o n o s i:**